

La muntanella che n'era betg stancla


Nova aventura cun Gian e Giachen

DAD AUGUSTIN BEELI/FMR

■ **Gian e Giachen, las duas figuras marcantas, tutgan tar la reclama da Grischun Vacanzas. Tar la chasa editura Nord-Süd è cumpari dacurt il terz cudesch cun in'aventura dals capricorns cultics.** «Cun quest sbragizi vibreschan schizunt ils nivels», di Gian, e Giachen dumonda immediat: «Tge dis ti?» L'illustraziun mussa in tshiev che lascha resunar ses tun marcant da l'atun. Il tshiev ha num Jori. Ils dus capricorns entaupan el durant ch'els gidan la famiglia Cantieni da chattar Madlaina. Perquai ch'ella avess stuì ir a durmir cunter sia voluntad, è la pitschna muntanella scappada. Dunna Cantieni, la muntanella-mamma, fa gronds quitads, uschia ch'ils eroxs Gian e Giachen gidan a tshertgar la fugitiva. «Nus na pussain betg, enfin che nus l'avain chattada», empermetta Gian. Puspè dat Giachen in commentari: «Speranza la chattain nus las proximas diesch minutas».

Enconuscents or da la reclama

Tgi na conuscha betg las reclamas en las medias socialas ed en la televisiun cun ils dus capricorns Gian e Giachen? L'insce-



Gist sin l'atun, il temp dals tshievrs, è cumpari la terza aventura da Gian e Giachen. MAD

naziun mediala da questas duas figuras è sa mussada sco grond success per Grischun Vacanzas. Igl n'è betg sulettamain stà ina chaussa unica d'in di, mabain ina campagna cun effect persistent. Dapi onns è Gian e Giachen preschents d'apertut, els discurren, commenteschan, fan sigls, scrolan il tgau e fascineschan

pitschen e grond. Gian e Giachen èn ambassadurs incumparegliabels per il Grischun e sia reclama turistica.

L'illustratura franzosa *Amélie Jakowski* s'occupescha dapi intgin temp cun quels dus cumpogns. Dacurt è cumpari il terz cudesch d'uffants ch'ella ha illustrà.

Er en versiun rumantscha

Dasper la versiun en tudestg ed en englais ha la chasa editura Nord Süd produci era ina versiun rumantscha. Il cudesch en il format lung e robust è in vair product bibliofil cun cuverta ferma e dies en taila. Cun sustegn da Grischun Vacanzas ha Nord Süd laschà suandar ina terza istorgia dals dus heroxs.

L'istorgia viva da las bellas illustraziuns e dals commentaris. Uffants e creschids pon sa famigliarisar cun muntanellas, emprendan a conuscher il stgilat Fibi, guardan sin gauds, culms e cuntradas. Il dals protagonistes è er il tshiev, in auter la cratschla Duri. Sa chapescha ch'els chattan la pitschna muntanella stinada. Entant ha quella cumenzà a susdar. L'aventura da Gian e Giachen pledenta ed inspirenscha. L'emprim cudesch da «Gian e Giachen und der Sternschnuppenberg» ha la chasa editura Nord Süd edì sulettamain en tudestg. Il secund tom «Gian und Giachen und der furchtlose Schneehase Vincenz» è cumpari en tudestg ed englais. Per il terz e nov tom ha Nord Süd stampà er ina versiun rumantscha.

Il cudesch «Gian e Giachen» e la pitschna muntanella Madlaina pon ins retrair en tuttas librerias, plinavant er en differents biros turistics.